


輿地廣記
附札記
六



輿地廣記

附札記

(六)

歐陽忞撰

中華民國二十六年六月初版

壽

撰 者 歐 陽 忞

發 行 人 王 雲 五
上海河南路

印 刷 所 商 務 印 書 館
上海河南路

發 行 所 商 務 印 書 館
上海及各埠

王雲五主編
叢書集成初編
輿地廣記
附札六冊

叢書集成

初編

主編者
王雲五

商務印書館發行

輿地廣記卷第三十八

廣南路化外州

安南大都督護府古駱越之地。秦屬象郡。漢屬南越。元鼎六年。立交趾郡。東漢建安八年。兼立交州。治龍編。十五年。徙治蒼梧之廣信。十六年。又徙南海之番禺。尋復治龍編。吳分立武平郡。晉因之。宋又分立宋平郡。齊以後因之。隋平陳。三郡並廢。大業初。州廢。復立交趾郡。唐武德五年。曰交州。調露元年。曰安南都護府。至德二載。改曰鎮南。大曆三年。復曰安南。領縣七。

上宋平縣。宋置。及立郡。隋平陳。郡廢。屬交州。大業初。州廢。立交趾郡。唐武德四年。立宋州。六年。曰南宋州。正觀元年。州廢。來屬。寶曆元年。府自交趾徙治此。故南定縣。唐武德四年。析宋平置。隸宋州。五年。來屬後省。

中下太平縣。本隆平。唐武德四年。置。以縣立隆州。六年。曰南隆州。正觀元年。州廢。來屬。先天元年。更名。中下交趾縣。本漢羸樓縣地。高帝立南侯。織爲南海王。居此。武帝以爲交趾郡治焉。隋置交趾縣。後省。唐武德四年。立慈州。并置慈兼。烏延。武立三縣。正觀元年。州廢。省三縣。更置杜佑云。今南方夷人。其足大指開廣。若並足而立。其指交。故名。

上朱鳶縣。漢屬交趾郡。晉以後因之。隋屬交州。唐武德四年。立鳶州。并置高陵。安定二縣。正觀元年。州廢。

省二縣以朱鳶來屬。故苟漏縣。漢晉屬交趾郡。產丹沙。葛洪乞爲苛漏。今以求丹沙卽此。交州記云。有潛水牛。上岸共鬪。角軟還復生。後縣省。

中下龍編縣。漢屬交趾郡。初置縣城。有交龍盤編於南北二津之間。因取名焉。東漢自羸陟移郡治此。兼立交州。晉以後因之。隋屬交趾郡。唐武德四年立龍州。并置武寧中樂二縣。正觀元年州廢。省二縣。以龍編屬仙州。州廢來屬。

中下平道縣。自未爲郡縣時。其地有雒田。隨海潮上下。民墾食其田。因名爲雒民。君長曰雒王。臣佐曰雒侯。設諸雒將。後蜀王子討雒王。滅之。自稱安陽王。居此。後南越王佗舉衆攻安陽王。王有神弩。一發殺三百人。南越知安陽不可克。乃遣太子始詐降而事之。王女曰眉珠。私與始通。始令眉珠取神弩視之。則竊以鋸截弩。逃歸。報南越。進兵攻安陽王。王遂敗。亡入海。其地并於南越。有王宮城。故基在焉。東漢爲封溪縣地。屬交趾郡。晉屬武平郡。齊置昌國縣。梁陳因之。隋更名屬交州。唐武德四年立道州。并置昌國縣。六年曰南道州。是年更名仙州。正觀十年州廢。省昌國。以平道來屬。

中下武平縣。本東漢封溪縣地。吳置武寧縣。及立武平郡。晉以後因之。後改縣曰武定。隋屬交州。開皇十八年改縣曰隆平。唐武德四年改曰武平。隸道州。五年來屬。

下都督峯州。古文明國。亦陸梁地。秦屬象郡。漢屬南越。後及東漢屬交趾郡。吳分立新興郡。晉武帝改曰新昌郡。宋齊梁陳因之。陳兼立興州。隋平陳。郡廢爲峯州。大業初州廢。入交趾郡。唐武德四年復立峯州。

天寶元年曰承化郡領縣五

下嘉寧縣本漢蘆泠縣地東漢分屬封溪吳分置嘉寧縣屬新興郡晉武帝改郡曰新昌後以嘉寧爲郡治焉宋以後因之陳兼立興州隋平陳郡廢開皇十八年改州曰峯州大業初州廢屬交趾郡唐復立峯州初東漢建武中朱鳶雒將子名詩索蘆泠雒將女徵側爲妻側爲人有膽勇將詩起兵攻破郡縣徵側爲王治蘆泠得交趾九真二郡光武遣伏波將軍馬援討之側詩走金溪穴中二年乃克於是置封溪縣吳晉因之屬武平郡後省隋末復置唐武德四年來屬正觀元年省入嘉寧

下承化縣

新昌縣舊屬新昌郡隋屬交趾郡唐武德四年來屬

下嵩山縣唐元和後置

下朱綠縣唐元和後置

望瀼州隋大將軍劉方始開此路置鎮守尋廢不通唐貞觀中清平公李弘節尋劉方故道開置瀼州以達交趾今州在鬱林之西南交趾之東北天寶元年曰臨潭郡領縣四

下瀼江縣

下波零縣

下鵠山縣

下弘遠縣。正元後沒於蠻夷。州縣名存而已。

下巖州。唐調露二年析橫貴二州立。以巖岡之北因爲名。天寶元年曰常樂郡。領縣四。

下常樂縣。本安樂。蕭銑分興德置。正觀元年省。乾封元年復置。屬鬱林州。永隆元年來屬。至德二載更名。

下恩封縣。本伏龍洞。當牢白二州之境。調露二年與高城石巖同置。

下高城縣。以高城水爲名。

下石巖縣。

下田州。唐開元中開蠻洞立。天寶元年曰橫山郡。領縣五。

下都救縣。

下惠佳縣。

下武龍縣。

下橫山縣。

下如賴縣。皆與州同置。

下愛州。秦象郡地。漢屬南越。元鼎六年立九真郡。東漢以後因之。梁兼立愛州。隋平陳郡廢。大業初州廢。復立九真郡。唐武德五年復爲愛州。天寶元年曰九真郡。領縣六。下九真縣。梁立愛州。陳因之。隋立九真郡。治此。唐復立愛州。縣省。

下安順縣。本常樂。晉屬九真郡。隋更名。唐武德五年立順州。并析置東河、建昌、邊河三縣。正觀元年州廢。省三縣入安順來屬。

下崇平縣。舊曰高安。隋開皇十八年改曰隆安。屬九真郡。唐武德五年立安州。并置教山、建道、都握三縣。又置山州。并置岡山、真潤、古安、西安、建初五縣。正觀元年廢安州。省教山、建道、都握入隆安來屬。又廢山州。省岡山、真潤、古安、西安入建初來屬。八年省建初。先天元年更隆安曰崇安。至德二載又更名。下日南縣。本漢居風縣地。屬九真郡。吳改曰移風。後析置日南縣。隋屬九真。唐武德五年立積州。并置積善、津梧、方載三縣。又以移風縣立前真州。并置九臯、建正、真寧三縣。又以胥浦縣立胥州。并置攀龍、如侯、博犢、鎮星四縣。九年更積州曰南陵州。正觀元年曰後真州。是年廢前真州。省九臯、建正、真寧以移風隸南陵州。又廢胥州。省攀龍、如侯、博犢、鎮星以胥浦隸南陵州。十年州亦廢。以軍安、日南、胥浦來屬。天寶中省移風、胥浦。漢晉九真郡治胥浦。後治移風。義熙九年交州刺史杜慧度造九真水口。與林邑王范胡達戰。禽斬胡達二子。虜獲百餘人。胡達退。五月慧度自九真水歷都粟浦。復襲九真。長園跨山。重柵斷浦。驅象前鋒。接刃城下。連日交戰。津梧、晉屬九真郡。後省。唐復置。後又省。有居風山。山上有風門。常有風。山有金牛。往往夜見。照耀十里。時鬪則海水沸溢。

下長林縣。本無編。二漢屬九真郡。晉省之。唐復置。後更名。漢西干縣故城在縣東。下驩州。古越裳氏之國。重九譯者也。秦屬象郡。漢屬九真郡。吳分立九德郡。晉、宋、齊因之。梁兼立德州。隋

改曰驩州。大業初，州廢，立日南郡。唐武德五年，立南德州。八年，曰德州。正觀元年，更名天寶元年，曰日南郡。領縣三。

中下九德縣。古越裳氏之國也。周時，獻白雉於成王。秦屬象郡。二漢屬九真郡。其地爲蠻盧蠻所居。子寶網、孫黨相代而立。黨服從吳化，於是孫皓立爲九德郡及九德縣。晉以後因之。梁立德州，隋曰驩州。唐武德五年，置安遠、曇羅、光安三縣。是年，以光安置源州，又置水源、安銀、河龍、長江四縣。正觀八年，更名阿州。十三年，州廢。省水源、河龍、長江以光安、安銀來屬。安遠、曇羅、光安、安銀後皆省。

下浦陽縣。晉屬九德郡。隋屬日南郡。唐屬驩州。

下越裳縣。隋屬日南郡。唐武德五年，立明州，又以日南郡之文谷、金寧二縣立智州。正觀元年，曰南智州。□□□□其萬安明引明定入越裳，隸智州。後廢智州，省文谷、金寧入越裳來屬。

下懷驩縣。本咸驩。二漢屬九真郡。晉屬九德郡。隋屬日南郡。唐武德五年，立驩州，并置安人、扶演、相景、西源四縣。治安人。正觀元年，更名濱州。十三年，省相景。十六年，州廢。省安人、扶演、西郡以咸驩來屬。後更咸驩曰懷驩。

下陸州。秦屬象郡。漢屬交趾郡。晉、宋、齊因之。梁立黃州及寧海郡。隋平陳，郡廢，改黃州曰玉州。大業初，州廢，入寧越郡。唐武德五年，立玉山州。正觀二年，州廢，入欽州。高宗上元二年，復立，更名陸州。天寶元年，曰玉山郡。領縣三。

下烏雷縣。唐自安海徙陸州治此。

下華清縣。本玉山。隋大業初。省入安海。唐復置。天寶中。更名。

下寧海縣。本安平。梁置。及立黃州。寧海郡。隋改州爲玉州。改縣曰安海。唐立玉州。後徙治烏雷。改曰陸州。

至德二載。改縣曰寧海。

下福祿州。自隋以前。地理與福祿郡同。

年智州刺史謝法成。柔遠縣本安。

林州地立福祿州以處。唐林縣唐。

福祿郡至德二載更郡曰。

零縣

下龍源縣。

下饒勉縣。

下思恩縣。

下武石縣。

下□良縣。

下銅蔡縣。

下長山縣。

下其常縣。以上皆與州同。

下湯州。本秦象郡地。唐立。

下湯泉縣。

下綠水縣。

下羅韶縣。以上皆與州同置。

下演州。歷代地理與驩州同。唐武德五年立驩州。正觀九年改爲演州。而別立驩州。十六年蠻盧入驩州。

廣德二年析驩州復立本忠義郡。亦曰龍池郡。又曰演水郡。領縣二。

下忠義縣。

下龍池縣。

札序

輿地廣記宋刊外未嘗見有他刻。宋刊之僅存者雖所見有二。其一則已爲淳祐重修本。且闕卷較多。若此本之未經重修爲宋刻初本者尤希世之寶。予故亟欲重雕以廣其傳也。先爲朱竹垞所藏。卽所稱僅闕首二卷。傳寫以成完書者。首二卷之傳寫實從重修本出。卷一末可證。予別有一舊鈔本。行款與宋刻初本悉同。首尾完具。今首二卷不用以重雕者。爲仍竹垞所藏之舊耳。竹垞所藏本模糊闕損處。輒有紅筆填寫字。不知出自誰校。以其用紅筆。故以朱校稱之。朱校本不足道。顧時下鈔本有如是者。又流傳頗廣。嘉定錢竹汀先生有言。金根白芨之徒。日從事於丹鉛。翻爲本書之累。予恐世所行本之爲斯書累也。遂於朱校之不足道者亦悉數焉。周校者友人周香巖錫瓚用淳祐重修本所臨校也。因又稱周臨重修本。重修本藏亡友顧抱冲家。不可復見。周君臨校裨益良多。若其異文。使所臨校而果然也。則重修本遜宋刻初本遠矣。並記而爲之序。嘉慶壬申十月五日吳縣黃丕烈識。

校勘輿地廣記札記上

序宋闕鈔補

衆而不能惑

地理之書

惑下地上。舊空一字。案自上文執璫璣至不能惑。本王弼周易略例。而其文小異。地理之書四字。又見上文。此爲複舉。所空字難定其當屬何句。朱校不空。蓋臆刪。

政和

年

和上年上。

舊空二字。案政和八年十一月改元重和。則政和只應有單數。不得有言十之數。今空二格。蓋歐以千支紀年耳。本書三十一卷敘州下。遂寧軍下沿革。並及政和四年。則書成在四年後。政和四年爲甲午。五年爲乙未。六年爲丙申。七年爲丁酉。八年爲戊戌。所空字當在此數年中矣。朱廬陵四庫提要引書錄解題。以念爲歐陽修從孫。又云修廬陵人。而此本有念自序。乃自稱廣校作十一誤。廬陵。豈廣廬字形相近。傳寫致誤歟。今案舊鈔本正作廬。不作廣。則陳振孫之言良是矣。

卷第一 宋闕鈔補

注惟伎巧商販

伎。舊誤妓。此用通典文。今據彼訂正。朱校作技。亦誤。

注韓信謂陳稀曰

舊作稀。是也。此亦通典文。朱校作稀。轉失歐舊。

注又有長地

通典兗州盧縣下作長城。是也。青州風俗

下作長地。誤。歐此注。上自管仲。迄下至海。並本杜後一條。故地字亦仍其誤。朱校作城。殊失歐舊。

注汲黯謂公孫宏

宏。舊誤必。

亦有文學

亦。舊作文。蓋宋刻損壞。而鈔誤下二筆。朱校作又。失之遠矣。今訂正。此通典文。

右古徐州地

徐。舊誤齊。

右古揚州地

揚。舊誤楊。下同。

獎

舊誤漿。

右古荊州

案州下當有地字。

齊陳顯達

陳下舊空一字。今訂補。亦通典文。

注北有

鞏成臯之固

舊鈔是也。此通典文。朱校鞏下有落字。蓋據國策增。然非歐舊。

注西有宜陽商坂之塞。東有苑穰洧水

商。苑。舊鈔是也。通典可證。朱校商作常。苑作宛。蓋據國策改。然非歐舊洧。

舊作
消誤

又徙齊諸田徒舊每因諸帝山陵陵舊作村蓋誤林而壞也今訂正此通典文

鄭舊誤

檀舊誤

洋舊誤

眞舊誤

常舊誤

潭舊誤

封圻圻舊誤折漢志作畿顏注引詩邦畿千里

注甲卒甲舊誤申漢表可證北沙漠漠舊作漢誤此亦通典文下西帶西字當依通典作南

卷第二宋闕鈔補

弘農弘舊誤洪據續漢志訂正

穎川川舊誤州據續漢志訂正

拱舊作挾廩字

東海海舊誤淳據續漢志訂正

兗舊誤

台舊誤

注涼理理下舊空一字案通典當是隴字朱

校作燕誤注冀理鄴舊誤鄴注并理晉陽井舊誤井注蔣琬琬舊誤婉據蜀志訂正

注王平鎮之王舊誤三據蜀志訂正

注臨江與江夏與舊誤與注不可

徧舉徧舊誤編燉煌燉舊但有火旁今訂補

渭舊誤

注劉隗鎮之劉下舊空一字今據晉書補

泗口口舊誤日今訂正水經注淮泗之會即角城也左右兩川翼夾二水決入之所所謂泗口

也。
注今泗州劉遐鎮之劉下舊空一字今據晉書紀傳補本書卷六宿遷縣下卷二十盱眙縣下並可證

穆帝時平蜀漢漢字舊空今據通典補杜自注云永和三年桓溫西討擒李勢衰亂之際

衰舊誤襄今據通典訂正

卷第三

銀宋本略可辨識朱校缺

宕宋本宕是也元和郡縣志云因宕昌山爲名新舊唐志並作宕朱校作石誤

和宋本略可辨識朱校作郵誤

申宋本略可辨識朱校缺

今信陽宋本今字陽字模糊以前後文今某某例補下

卷京西北路有信陽。是其證。朱校陽作州。誤。

蜀 宋本略可辨。宋本漢是也。雅。宋本雅是。今亨州。宋本有此三字。朱校脫。

今朱崖。宋本有此三字。朱校脫。西抵大漠。

宋本漢是也。舊鈔。北接薛延陀界。宋本薛是也。舊鈔缺薛字。

遂擅署吏。吏字是也。此唐書藩鎮魏博列傳文。朱校作置。誤。

注朔。朔。宋本作湖。誤。舊鈔同。今據五代史訂正。朱校不誤。

卷第四

平定 宋本平是也。舊鈔。保德 宋本有此二字。本書卷十九同下州。保德軍。即此。朱校誤脫。舊鈔本不脫。

兩浙路 宋本兩是也。舊鈔。本同。朱校作西。誤。

山 宋本略可辨。識。舊鈔。正作山。朱校不誤。

卷第五

桓溫劉裕 桓溫劉三字。宋本略可辨。朱校。桓誤。劉溫劉二字云原闕。徙都洛陽。下三字。朱校云原闕。大業元年。業。元宋本可辨。此隋志文。朱校云原闕。置洛州。宋本洛是也。舊唐志文。朱校云原闕。顯慶

二年 宋本顯是也。舊唐。此卽一也。宋本是也。通典文。朱校作卽此地也。誤。二漢爲緱氏縣。宋本二漢。朱校云原闕。登中岳太室從官在山下。岳太從官在五

字。宋本可辨。漢書郊祀志文。朱校太作少。室下作漢書二字。誤。穀水。宋本有此二字。此九城志文。朱校誤脫。秦趙俱利也。宋本俱是也。通典文。朱校云原闕。俗名回坑。宋本回是也。通典文。朱校作曰。誤。劉盆子

積甲之所 宋本甲是也。通典文。朱校田。誤。

卷第六

後漢晉並屬樂安國 宋本晉是也。晉志。屬北海郡。宋本海是也。隋志。可證。朱校作齊。誤。改昌國爲逢山。宋本改是也。隋志文。朱校作故。誤。古莒國。古宋本略